



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-44-1-77/19  
Sarajevo, 22.07.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 07:00 sati 19.07.2019. do 07:00 sati 22.07.2019. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 20.07.2019. godine u 09:45 sati, od dežurnog u Policijskoj stanici Stari grad, da je u ovu policijsku stanicu donesena i predata jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno sredstvo preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) imali su 25 (dvadesetpet) intervencija i to tri veće i dvadesetdvije manje intervencije.

Veće intervencije:

- Dana 20.07.2019. godine u 17:35 sati u mjestu Trzanj kod Tarčina, Općina Hadžići, na gašenju drvenog otpada u objektu za pravljenje drvenog uglja. Požar je likvidiran u 20:00 sati. U gašenju požara učestvovalo je devet vatrogasaca sa tri vatrogasna vozila. Nije bilo povrijeđenih lica.

- Dana 20.07.2019. godine u 21:02 sati u Ulici Bosanski put br. 215, u krugu željezare Ilijaš, na gašenju požara na trafo-stanici. Požar je lokalizovan u 21:49 sati, a likvidiran u 23:05 sati. U gašenju je učestvovalo deset vatrogasaca sa tri vatrogasna vozila. Nije bilo povrijeđenih lica.

- Dana 21.07.2019. godine u 00:29 sati u Ulici Tešanjaska br. 13, Općina Centar, na gašenju devastirane kuće. Požar je lokalizovan u 00:42 sati, a likvidiran u 01:35 sati. U gašenju je učestvovalo osam vatrogasaca sa dva vatrogasna vozila. Nije bilo povrijeđenih lica.



Manje intervencije: šest intervencija na gašenju kontejnera sa smećem, dvije na gašenju niskog rastinja, dvije na gašenju automobila, po jedna intervencija na gašenju ulaznih vrata u stambenoj zgradi, šupe, krova devastiranog objekta i poslovnog prostora, jedno dežurstvo pri spaljivanju dimnjaka, jedna tehnička intervencija (asistencija policiji nakon saobraćajnog udesa) i šest obezbjeđenja (tri na Aerodromu, koncert i dva sportska događaja).

**Napomena:** U protekla 24 sata pripadnici Profesionalne vatrogasne jedinice imali su 3 manje intervencije i to gašenje krova napuštene i devastirane kuće, gašenje požara u poslovnom prostoru (kladionica) i obezbjeđenje nogometne utakmice.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila +18°C, vlažnost zraka 84%, barometarski pritisak 949 hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

**KJKP GRAS:** Gradski saobraćaj se odvija po redovnom režimu, osim minibuskim linijama za Kasetiće, Osenik, Trtanj, Goru, Mokrine i Ušivak, koje nisu u funkciji zbog nedovoljnog broja vozila.

Prema informacijama prikupljenih od dežurnih dispečera i informativnih službi, **Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1